

MASINA MARIA VIRJINY NAMPIAKARINA

ANY AN-DANITRA



Nanao zava-dehibe tamiko ilay Mahefa; nasandrany ireo manetry tena.

Ry kristianina havana, faly isika mianakavy amin'ity andro 15 Aogositra ity satria andro fankalazana ny nampakarana an'i Masina Maria any an-danitra izany hoe olona iray rà amintsika no tafita nampakarina any an-danitra ka faly mifampiarahaba isika satria manaporofa izany fa tsy nofinofy ho antsika izao finoantsika izao. Betsaka ny mitady hanome tsiny hoe : "manonofy ianareo" ary dia hitan'Andriamanitra fa mety misy hanana an'izay eritreritra izay mitady hanakivy atsika, inona ny nataony? Ilay Renin'Andriamanitra nampiakarin'ny any an-danitra ao amin'ny voninahitr'Andriamanitra. Tsy hoe noho ny fahamendren'i Maria fa noho ny fahasoavana vokatry ny fanavotan'i Jesoa dia tanteraka ao amin'i Masina Maria izay tsy maintsy ho tanteraka amintsika mianakavy. Izay koa ny miandry atsika, izay no mahafaly atsika androany ka faly miaraka mankalaza ny nampakarina an'i Masina Maria any an-danitra isika. Tsy hirehareha anefa isika noho izay fa

Vakiteny I : Apôk. 11, 19a; 12, 1-6ab. 10ab

Salamo : Sal. 44

Vakiteny II : 1 Kôr. 15, 20-26b

Evanjely : Lk. 1, 39-56

kosa ho tahaka nampianarin'i Masina Maria ny fiainany. Aoka ny fiainan'i Masina Maria no hibanjintsika bebe kokoa, fantantsika hatramin'ny voalohany fa nosantaran'i Masina Maria ny fiainantsika manontolo. Hitantsika izany raha nandray ny fahasoavana manokana izy nidinan'ny Fanahy Masina izy ary dia notorontoronina tao aminy ilay Kristy mpanavotra atsika.

Tahaka izay koa isika ao amin'ny batemy, izay fahatareham-baovao ho antsika ka nandraisantsika

ny Fanahin'Andriamanitra dia tonga zanak'Andriamanitra isika. Noho izany miaraka amin'i Kristy ny fiainantsika ary dia izay no entintsika mamakivaky ny fiainana tahaka an'i Masina Maria namakivaky ny fiainana hatramin'ny teo am-pototry ny hazo fijaliana ary tsy nahakivy azy izany. Isika koa na dia eo aza ny sedra mafy mety andalovantsika, misy aza amintsika ny martiry dia i Masina Maria nampianatra atsika hijoro vavolombelona i Masina Maria.

Enontsika tamin'ny vakiteny voalohany fa ady sady dia ny fiainana (*Apôk. 11*), ady natrehin'ilay vehivavy dia tsy iza fa i Masina Maria, ilay nitafy masoandro sy volana, teo amin'ny tongony niady tamin'ny dragona sy tamin'ny demony. Ady amin'ny ratsy sy fakam-panahy ny fiainantsika ary dia kosa ho any amin'ny fiainana mandrakizay. Izay koa no nataon'i Masina Maria, sady niady izy no niroso ny diany nefa tsy niady irery izy tamin'ny lalam-piainany fa teo ny famonjena sy ny famonjen'Andriamanitra nitantana azy. Ampianarin'i Md Paoly atsika tokoa fa izay misy an'i Kristy no misy atsika raha mivelona ny mahazanak'Andriamanitra isika. I Kristy no santatra vao izay an'i Kristy tahaka an'i Masina Maria. Tsy noho ny fahamendrehany anefa no nahazoany ny satro-boninahitra any an-danitra fa noho ny fahasoavany izy izay nofidian'Andriamanitra ho renin'ny mpamonjy ary izay no maha Renin'Andriamanitra azy. Nahazo an'izay izy araka ny tononkira ao amin'ny Evanjely io (*Lk. 1, 39-56*) ambarany mazava niaraka tamin'i Elizabeta fa maro ny zavatra tsy tsapany : "Mankalaza ny Tompo ny fanahiko" hoy izy izany hoe ny fiainany manontolo dia ho fankalazana an'Andriamanitra satria fantany fa namonjy azy Andriamanitra ary dia ampianariny amin'ny alalan'io tononkira izay fandaharam-piainan'i Masina Maria izay fandaharam-piainantsika koa. Tsy hoe hirehareha isika amin'ny hoe Kristianina fa kosa hitondra fahazavana, fanasina eo amin'ny fiainantsika ary tsy ho irery isika amin'izany fa miaraka amin'i Kristy ka amim-panetrentena tahaka nataon'i Masina Maria, feno fanetren-tena izy mankalaza sy midera an'Andriamanitra amin'ny fiainany manontolo. " Nahefa asa mahery tamin'ny sandriny Izy: dia nampihahafiny izay niavonavona tamin'ny fisainan'ny fony, naongany hiala tamin'ny fiketrahany ny mpifehy, fa ny ambany kosa nasandrany".

Izay ny fiainan'i Masina Maria sy lalam-piainantsika ihany koa. Ady sady Dia ny fiainana, ady amin'ireo dragona maro be eo amin'ny fiainantsika izay mitady hanapotika atsika. Tsy miady irery isika tahaka nataon'i Masina Maria fa miroso mandray an-tànana ara-nofo, ara-tsaina ary tsy miasa irery fa omen'Andriamanitra ny fahasoavany. Ary izay misy an'i Kristy no misy atsika, santatra ihany i Kristy fa isika rehetra dia ao amin'ny voninahitr'Andriamanitra ihany koa.

Ry Jesoa Kristy Tompo ô, nampiakarina am-boninahitra any an-danitra i Maria Reninao sady Reninay, ampitondrainay aminy ary izay fiainanay izao, izao vavaka sy fankalazana iarahany manao izao ka omeny anao ilay zanany malalany. Izy koa anie hampianatra anay amin'ny fiainanay izay fantatrao fa tsy maintsy hiatrehana ady maro samy hafa ary tsy maintsy manao dia izay tena ngeza tahaka an'i Masina Maria raha nandeha namangy an'i Elizabeta izy. Na dia eo aza ny fitsapana mety mitondra fahoriana dia fantatray fa ny hafaliana no tanjona hasambarana ao aminao. Na dia eo aza ny tebiteby sy ny ahiahy tahaka ny nanànan'i Masina Maria ihany koa dia mahatoky izahay rehefa mibanjina sy mankalaza an'izao nampakarana azy any an-danitra izao fa ny tanjona ho anay dia ao amin'ny hasambaranao ka ampio ary izahay hanahaka an'i Masina Maria ao amin'ny fiainanay ka hiara-sambatra aminao sy miaraka aminy any an-danitra. Amen

Mompera Arseveka Mgr Benjamin Ramaroson